

107 年全國語文競賽原住民族語朗讀【秀姑巒阿美語】 國中學生組 編號 2 號

Miahowiday a faloco'

O miahowiday a faloco' haw i, o ci'icel a pinangan no tamdaw, o sapipalalan to sakalali'ay no kalotamdag, ato o cecay a 'icel no sakanga'ay no kitakit o ka'oripan no mita.

Yo cecay a romi'ad, romakat kako i lalan, ma'araw ako ko mato'asay to a fa'inayan, macokeroh ningra ko ya mato'a:say a ina, nika ya fa'inayan a tamdag i, caay palicay to " manaca a ina caay ka 'a:raw ako kiso! " a saan. Caay haca pipalowad toya ina, toa:n saan a miliyas. Yo paka'araw kako to matiniay tatiihay a pinangan no tamdag haw i, rokrok saan ko faloco' aka a matelii, o roma haca a katatihan no harateng aka a mi'araw haw i, oya micodaday ho i mamangay picodadan a wawa, paka'araw to nikatolo' noya mato'asay a ina haw i, 'ara:w tafesi:w saan, awaay ko siniada'ada; o roma haca a wawa, samatiya han nira o pinafalah a lakaw ko pi'araw toya mato'asay a ina, awaay ko sini'adaay a faloco'. ya sato a ina haw i, mangalay cingra a lomowad, nika caay pakalowad, awaay ko 'icel ningra. Toya tatokian, ira ko cecay a kapah paka'araw cingra haw i, tangsol sa a mitawos toya ina, ta 'afotoen ningra a palowad, tihtihen ningra ko tahefod no fodoy noya ina, ta licayen ningra koya ina, " mamaan kiso ina? cidoka' ko kamay iso? nga'ay ko wa'ay iso? " han nira. " aray wawa! awaay ko maan ako! " sa koya ina. Maherek a palicay to ya ina ta liyas sato cingra a itoan. 'araw sa koya ina toya kapah, ta sowal sa " o tada fangcalay a wawa kiso! " saan. maherek a somowal, ala sa to cokor, liyas sato cira.

Ma'araw aka ko matiniay nga'ayay a demak i, tada mahadoway ko faloco' aka. Harateng sato kako, itini tona hekal, adihay ko tatiihay a pinangan no tamdag, matiyay oya fa'inayan ato ya micodaday ho a wawa. Nikaorira, ira ko fangcalay ko faloco' a tamdag, matoya kapah, matatodongay o taadoan no mita o tamdag. Kita o tamdag, o tamdag no niyaro', o mamafana' a masasingodo ato masasidama i niyaro, ano caay kafana' to matiraay a demak haw i, caay to ko no tamdag a pinangan ko matiraay. Itini i likisi no tamdag, ano i padaka to, ano i niyaro' to no mita, adihay to ko manina'ay no mita, ira ko kinafalah sananay to 'orip a mangalay pa'orip to cimacimaan a tamdag, o kakalimelaan, o kakahemekan, o tadafangcalay ko matiraay a pinangan. Aanini a romi'ad, o ma'araway no mata aka ko matiniay kakahemekan a demak i, tada mangiyangi ko faloco' no mako. O maminanam kako to matiraay nga'ayay a pinangan nira. Nanay pakatayalen no mita ko olah no faloco' ita, o tireng no niyah a misatapang, ano matira haw i, o mamanga'ay a malafangcalay konini ka'oripan no mita a kitakit.

107 年全國語文競賽原住民族語朗讀【秀姑巒阿美語】國中學生組 編號 2 號

憐憫之心

我走在馬路上，看見一位中年男子推倒了一位老奶奶，但他沒有道歉，或扶老奶奶起來，揚長而去。我有點氣憤，更氣的是，許多國小生也看到老奶奶摔跤，但都與她擦肩而過，或裝作沒看見。

老奶奶嘗試起身，可是沒有力氣。一位男同學過去扶老奶奶起來，問說：「沒事吧，奶奶？」奶奶說：「我沒事！謝謝！」「不用謝！」說完他就走了。老奶奶說：「真是一個好孩子。」說完，便拿著拐杖走了。

我很感動世間還是有溫暖的，他就是模範，但也有不好的事，像那個中年男人跟國小生們。生而為人，應發揚樂於助人的精神，如果連善的本性都沒有，那你就不算是一個人。

古今中外，多少人因為救人捨棄了自己的生命，這是世間最美好的東西。今天發生的小事更讓我感動，我應該向他學習。就請讓我們人人貢獻出一點愛，從身邊的小事做起，那麼世界將會更加美好。